

陳氏宗譜

陳氏宗譜

閩字號

陳氏歸化始祖燕溪公傳

公諱祖清號燕溪舊傳其爲人倜儻非常解紛排難
有魯仲連之風其行事不可得而詳也然公於明正
德改元始自永安之貢川遷我邑故陳氏我邑祖始
於公公之先唐中丞公雍始卜貢川居之至公蓋二
十七傳其間偉人代出然恒不盡居於故土夫中丞
公之明哲無論矣其他由貢川轉徙者如泗州公通
之徙會稽山陰濠州公世隆之徙福州長樂運判公
麟之徙九龍贅荆村其人誠倜儻非常者顧彼皆貴
顯而公隱處豈公才於彼是遜歟則際會有幸不幸

耳公歷傳迄今十二世子孫掇文武科第出而仕宦者不乏人與貢川後先輝映其最著者公五代孫二生二吉兩先生以著作名家於我邑首列文苑其爲文鍛鍊古雅無舉業家卑靡氣習嗣是而公之後人以文顯者蓋未有艾也且夫別子爲祖一日始基祚綿千祀不但身後之福澤無窮其當年之氣魄必有大過人者吾於公微有以窺之矣

姻家晚生謝紹謀頓首謹撰

龍山公傳

公諱文昶別號龍山宏治壬子生永之固發冲正德元年從父遷我邑時公尙幼長以孝義聞門內無間言嘗請於父曰吾先人塋墓在固發冲者距百里而遙雖烝嘗未艾若望遠何易之萃渙皆言立廟紫陽朱子通之而創爲祠堂之制如吾大坡源有正典制誥公之雙峰祠羅紋嶂有吏部尙書公之羅雲祠庵山原有朝議大夫公之先賢祠胥此志也況吾家道學淵源與紫陽後先相望明水龜山鍾秀不乏吉壤盍建祠以慰心香一瓣父領之爰卜龍坑鳩工落成

以時享祀不忒迄今雖頽垣廢址過其間者猶想見
當年孝享之誠爲之欷歔而憑吊也禮曰君子將營
宮室宗廟爲先若公者可謂知本矣予不及見公之
爲人而公令嗣介予爲傳予維公生平以孝義自持
爲克盡乎其大者斯足彰家乘而庇其子孫矣又奚
俟予言爲重

姻家晚生揭鳳喈頓首謹換

東海公傳

公諱承長東海其別號也陳氏譜載公性剛輕財孝於親睦於族如斯已耳至其何以孝親睦族不可得而知也大凡下氣婉容剛者所短事父母能諫而未必能幾輕財之人當其豪情所至慷慨結客每疎於家庭細故所行未必博族中歡豈敢必其孝與睦乎然性剛者無柔腸則聽婦言可免矣輕財者無私蓄則乖骨肉可免矣且夫剛者尙志不計己身利害何有於財割股奉親非剛不能辦棄己子畱兄子非剛不能斷推而至於爲國捐軀皆藉一剛以成之夫公

固隱者也設公而顯吾知如先世了齋公之骨鯁君
銳賢復諸公之節烈皆公所優爲者昔人謂求忠於
孝而吾謂求孝必於剛夫剛與義隣其輕財宜也而
夫子首曰近仁公之孝與睦吾益得以此信之

姻家晚生謝紹謀頓首謹換

東湖公傳

公諱承玳別號東湖幼好讀書不慕榮利書工楷法
爲人儉素仁恕氣度凝遠遇事能忍有犯者弗與校
引避之而已居恒以務德行善勸鄉里有諷以資爲
郎者公曰身爲太平逸民已占盡清閒何仕爲且吾
嘗慕東坡行香子詞云浮名浮利休苦勞神似隙中
駒石中火夢中身之句書之座右此吾志也臨沒時
猶諄乚以勤儉忍三字訓其子孫嘻公其有道者歟
夫儉鮮失而勤有功居家之要也而忍之獲利無窮
大而之國小而之家胥賴忍以有濟張公藝九世同

居是其效也昔邵子康節病將革明道先生求其遺
訓康節示之以袖謂此中地步寬則能容物也若公
之言蓋能體道而行者當於古人中求之矣

姻家晚生謝紹謀頓首謹撰

汪泉公傳

公諱周賜別號汪泉唐中丞公雍卅世孫由遷明溪而遞溯之則陳氏四世祖也爲人考之舊譜書缺有間要其父以孝稱其子以善著苟非大有造於而家曷能承先啟後若此嗟乎盛德之報不於其身必於其子孫公適志田園未紆青紫而後嗣科名鵲起寢昌寢熾謂非公之流澤孔長哉公生嘉靖戊申十一月十五日卒萬曆癸卯十一月十二日世遠無徵徒憑慨想而公元孫崑撰詞墓祭有淳良長世忠厚持躬之語其得諸祖父所傳聞歟抑或別有所考據而

阿
云然歟予卽以是爲公傳

姻家晚生嚴有鈔頤首謹換

明贈訓導登仕郎少泉公傳

公諱周興字以用號少泉陳氏歸陽四世祖也爲人
豁有幹達濟才當前明之季寇盜蠭起而公先世以
正德元年徙我邑初立室家鮮守禦策蓋藏雖厚將
何所恃以固吾圉耶由是慷慨悲歌深耽武藝時則
酒酣而舞劍示勇或於百步而技效穿楊盜賊聞風
奔竄卒以無患且夫擁厚貲以自殖者惟知樂己之
樂烏有憂人之憂歲饑公於鄰里中有菜色者煮粥
以活之有溺於水者必設計以拯其危焉更有友某
虜於寇不惜重費而贖凡此皆公德之及人功在不

朽者也尤深愛子姪敦名節勵品行以不墜理學家
風公子壺石公閬石公著作名家爲郡邑冠余聯姻
於公令嗣汝楨見其彙輯文集刊諸譜牒受而讀之
發爲詩歌率皆羽翼經傳知其資益於公教者深莫
爲之前雖美弗彰吾於公益信古語不誣矣

姻家晚生羅才輝頓首謹撰

介賓子正公傳

公諱栢字子正歸陽陳氏五世祖也公少有偉畧識
量過人岐嶷通計然術億多奇中以富名汀郡嘗曰
能聚而不能散守錢虜耳由是散千金結奇士日益
稠儻有聲里有稱貸者輒察勤惰度材質授計而與
之貲其德公者固已衆矣方前明之末造潢池盜弄
陸梁充斥所至肆劫掠焚廬舍時邑新建城小且卑
不足固吾圉民紛々若鳥獸散井堦木刊學宮爲茂
草矣賊退猶岌々靡寧公曰持守莫如輯衆志輯衆
志莫如修學校卽鳩工庀材妥

先聖之靈令士飭忠敬民知禮義於是始有固志其
子女被掠者悉贖以還不責直而使之復其所視城
圯者修之繼長增高邑人藉以安堵迄崇正之季寇
來不得上解圍去皆公之力也先是邑有水患衝決
廬井民人崎嶇移徙公爲量地勢以順導之患旣平
又以東偏地高艱汲引乃渠於邑西之三寶洞迤北
關抵龍門橋至今倚爲貫利此其卓匕大者其他捨
田園建亭閣廟刹殆難更僕數嗟乎士當懷宗之世
率尙虛文鮮實用強寇橫行荆益秦晉間當道者務
爲羈縻計曾不克展一籌決一畧迄於潰敗而不可

救公乃起田間慷慨激發率使流民鳩集萑苻肅清
本立而末具舉害去而民不知嗚呼可不謂豪傑之
士哉公自奉儉約未嘗裘一華服兒孫輩雖皆已貴
顯猶躬履隴畝戒之曰汝曹當知稼穡艱難爲天地
惜物力耳年登大耋猶戒滿持盈視生平功德在邑
人者淡然若非已出人以此益重公時巡方朱公克
簡王公應元督帥董公大用高公守貴王公之綱交
章薦譽公特檄旌之曰一鄉善士尹茲土者亦折節
禮焉凡七飲介賓三報善人其卒也邑人士爲之隕
涕李公鈺等撰詞祖塋聞者無論識與不識莫不酸